



REPUBLIKA E SHQIPËRISË

**ENTI RREGULLATOR I SEKTORIT TË  
FURNIZIMIT ME UJË DHE LARGIMIT E PËRPUNIMIT  
TË UJËRAVE TË NDOTURA  
KOMISIONI KOMBËTAR RREGULLATOR**

**VENDIM**

**Nr. 22, datë 30.03.2018**

**PËR LICENCIMIN E SH. A. UJËSJELLËS KANALIZIME RROGOZHINË**

Në zbatim të nenit 14, pika 1/a, nenit 17, të ligjit nr. 8102, datë 28.03.1996 "Për kuadrin rregullator të sektorit të furnizimit me ujë dhe largimit e përpunimit të ujërave të ndotura", VKM nr. 958, datë 06.05.2009 "Për miratimin e kategorive të licencimit dhe të procedurave për aplikim për licence", si dhe Rregullores së licencimit miratuar me vendim të KKRR nr. 29 datë 08.12.2009 "Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura", e ndryshuar dhe pasi shqyrtoi relacionin e përgatitur nga Drejtoria Teknike Ekonomike, mbi aplikimin e shoqërisë Ujësjetllës Kanalizime Rrogozhinë sh.a. për licencim për efekt përfundimit të afatit, Komisioni Kombëtar Rregullator,

**Konstatohet se:**

- Shoqëria Ujësjetllës Kanalizime Rrogozhinë është licencuar për herë të fundit nga Komisioni Kombëtar Rregullator me vendimin nr. 35, datë 11.12.2012 "Për rinovim licence sh.a. Ujësjetllës Kanalizime Rrogozhinë" me vlefshmëri 4 vjet;
- Shoqëria Ujësjetllës Kanalizime Rrogozhinë ka aplikuar për licencim me anë të shkresës nr. 130 prot. datë 28.08.2017, për efekt të përfundimit të afatit;
- Në dosjen e aplikimit mungonte dokumenti Akt miratimi higjeno sanitar, ndërkohë që ishte sjellë vetëm raport analiza e burimeve nga Drejtoria e Shëndetit Publik. Dosja u plotësua me shkresën nr.35 prot. datë 01.03.2018;
- Këshilli Bashkiak Rrogozhinë me vendimin nr. 41, datë 20.06.2017 ka vendosur zmadhimin e kapitalit të shoqërisë Ujësjetllës Kanalizime Rrogozhinë sh.a. si pasojë e shtimit të kapitalit të njësive administrative Lekaj e Kryevidh që më parë zotëroheshin nga Ujësjetllës Kanalizime Kavajë, por shoqëria Ujësjetllës Kanalizime Rrogozhinë sh.a. ende nuk i ka reflektuar këto ndryshime në QKB;
- Shoqëria Ujësjetllës Kanalizime Rrogozhinë faktikisht e kryen shërbimin në dy njësitë administrative Lekaj dhe Kryevidh;

- Aplikimi i shoqërisë Ujësjetllës Kanalizime Rrogozhinë sh.a. plotëson kërkesat e parashikuara në Rregulloren e Licencimit për përfundimin e afatit të licencimit, konkretisht:
  - Formati i aplikimit është paraqitur dhe plotësuar në mënyrë korrekte;
  - Për dokumentin Ekstrakt Historik i Regjistrisë Tregtare në të cilin ende nuk janë reflektuar ndryshimet sipas riorganizimit të shoqërisë Ujësjetllës Kanalizime Rrogozhinë sh.a. bazuar në VKM nr. 63, datë 27.01.2016, "Për riorganizimin e operatorëve që ofrojnë shërbimin e furnizimit me ujë të pijshëm, grumbullimin, largimin dhe trajtimin e ujërave të ndotura", shoqëria Ujësjetllës Kanalizime Rrogozhinë detyrohet të paraqesë pranë ERRU ekstraktin e QKB të përditësuar menjëherë pas përfundimit të procesit.

Për gjithë sa më sipër, Komisioni Kombëtar Rregullator,

### **VENDOSI:**

1. Licencimin e operatorit Ujësjetllës Kanalizime Rrogozhinë sh.a me:  
Drejtues Ligjor dhe Drejtues Teknik      Bujar Meraj
2. Operatori sh.a. Ujësjetllës Kanalizime Rrogozhinë autorizohet të kryejë veprimtarinë përkatëse të kualifikuar në kategorinë:  
Kategoria A, Për grumbullimin dhe shpërndarjen e ujit për konsum publik;  
Kategoria C, Për largimin e ujërave të ndotura.
3. Zona e shërbimit të këtij operatori është Bashkia Rrogozhinë;
4. Kjo licencë është e vlefshme për një periudhë 4 (katër) vjeçare.

Ky vendim hyn në fuqi menjëherë.

Ky vendim publikohet në Fletoren Zyrtare.

**K R Y E T A R I**

**Ndriçim SHANI**